



1. Qadak:

- (a) Bahasa: Menyempurnakan sesuatu
- (b) Istilah: Ketentuan Allah SWT yang azali terhadap semua makhluk

Qadar:

- (a) Bahasa: Menjelaskan qadar sesuatu
- (b) Istilah: Pelaksanaan sesuatu perkara mengikut ketentuan Allah SWT sejak azali

2. Meyakini Allah SWT menentukan segala perkara yang akan berlaku kepada semua makhluk dengan ilmu dan kehendaknya.

3. Sabda Rasulullah SAW, maksudnya: "...(iman) bahawa kamu percaya kepada Allah, malaikat, kitab-kitab, Rasul-rasul, hari Kiamat, dan kamu percaya kepada qadarnya baik dan buruk".

4. Qadak Mubram

- (a) Maksud: Sesuatu yang telah ditentukan oleh Allah SWT dan tidak berubah dan dilaksanakan mengikut kehendak dan kekurangannya.
- (b) Contoh: Bangsa dan jantina seseorang yang telah ditentukan tidak akan berubah.

Qadak Muallaq

- (a) Maksud: Ketentuan Allah SWT yang berubah kepada ketentuannya yang lain dengan usaha yang dilakukan oleh manusia.
- (b) Contoh: Kejayaan cemerlang bergantung kepada usaha.

- 5. (a) Berusaha menggunakan seluruh kemampuan yang diberikan oleh Allah SWT untuk mencapai sesuatu maksud.
- (b) Berserah kepada Allah SWT dan yakin bahawa Allah yang menentukan keberhasilannya setelah berusaha dan berikhtiar dengan bersungguh-sungguh.

6. Aktiviti murid

Praktis Masteri 14

Bahagian A

- | | | | | |
|------|------|------|------|------|
| 1. A | 2. C | 3. A | 4. C | 5. A |
| 6. A | 7. A | 8. C | | |

Bahagian C

- 1. (a) (i) Qadak mubram
(ii) Qadak muallaq
(iii) Qadak muallaq
(iv) Qadak mubram
- (b) (i) kehendak
(ii) wajib
(iii) kekuasaan
(iv) kafir
- (c) Pelaksanaan sesuatu perkara mengikut ketentuan Allah SWT sejak azali.
- (d) Beriman kepada qadak dan qadar akan membuat jiwa seseorang menjadi lebih tenang, iaitu hidupnya akan jauh daripada kesusahan. Bahkan walaupun ujian yang dihadapi mereka sangat sukar, namun keyakinannya pada takdir Allah akan membuatnya selalu merasa tenang dan damai. Hal ini kerana mereka percaya bahawa segala ujian yang diperolehnya adalah qadak dan qadar Allah yang telah ditentukan namun hanya boleh diubah melalui doa. Oleh itu, kita hendaklah menjadi manusia yang sentiasa tenang apabila menghadapi segala ujian Allah.
- (e) (i) Merupakan ketentuan Allah SWT yang tidak berubah dan dilaksanakan mengikut kehendak dan kekuasaan-Nya.
(ii) Ucapan itu sengaja dicipta oleh mereka yang malas berusaha sebagai helah membela diri sedangkan Allah tidak akan menzalimi hambanya yang berusaha. Oleh sebab itu, Allah menyuruh hambanya berusaha dan berikhtiar untuk mengubah nasib masing-masing. Kesimpulannya, kita haruslah berusaha bersungguh-sungguh dan bertawakal kepada Allah.



1. Hal ini kerana individu yang mengeluarkan infak akan mendapat pahala dengan mudah. Selain itu, jika infak semakin berkembang, ukhuwah dan hubungan sesama manusia juga dapat dipertingkatkan dan menuju ke arah kehidupan yang lebih harmoni. Hal ini akan menyebabkan masyarakat hidup saling membantu dan tidak meminggirkan golongan bawahan. Oleh itu, kita hendaklah mengamalkan infak kerana hasil yang diperolehi pemberi adalah pahala yang berlipat kali ganda dan akan merasai hakikat kebajikan yang dilakukan.
2. Saya akan mengamalkan sunah baginda SAW dalam aktiviti harian seperti cara makan, berjalan, berpakaian dan sebagainya. Kesannya, saya akan dapat membudayakan ciri-ciri kecemerlangan seperti bersikap sanggup berkorban dan bersusah payah demi memajukan tamadun Islam. Kesimpulannya, kita hendaklah menyambung dakwah Rasulullah SAW supaya syiar Islam yang dibawa oleh Rasulullah SAW dapat diwarisi dan dihayati oleh generasi kini dan akan datang.
3. Kecintaan terhadap Rasulullah SAW juga perlu dizahirkan pelbagai aspek kehidupan, termasuk tingkah laku yang baik, tutur bicara sopan seperti keperibadian mulia baginda. Keperibadian seperti ini akan mewujudkan qudwah yang sempurna sekali gus dapat mengelak berlakunya perselisihan dalam kalangan manusia hari ini. Oleh itu, kita hendaklah menjaga keperibadian diri kita sebagai tanda cinta terhadap baginda.
4. Orang yang beriman terhadap kewujudan hisab akan berwaspada melakukan sesuatu dalam kehidupan kerana menyedari setiap amalan akan dihitung. Hal ini menyebabkan manusia akan insaf seterusnya berterusan mengingati kematian. Kesimpulannya, kita hendaklah takut melakukan dosa kerana semua perbuatan akan dihisab.
5. Keimanan kepada qadak dan qadar dapat menjana sifat positif ke arah kecemerlangan hidup seperti rajin dalam melakukan sesuatu pekerjaan. Kesannya, produktiviti dan hasil ekonomi negara akan meningkat. Oleh itu, kita hendaklah meningkatkan usaha yang bersungguh-sungguh agar matlamat hidup dapat dicapai.
6. Murid yang beriman kepada qadak dan qadar akan menerima setiap ketentuan Allah SWT dengan hati yang reda seterusnya akan berusaha dengan bersungguh-sungguh untuk mencapai kejayaan. Kesannya, dia akan menjadi murid yang berakhlak mulia seperti tidak berputus asa dan mudah kecewa dalam kehidupan. Oleh itu, kita hendaklah sentiasa bertawakal kepada Allah setelah berusaha bersungguh-sungguh dalam sesuatu perkara agar doa dimakbulkan oleh Allah SWT.